

Ineqarnermut, Attaveqarnermut Angallanermullu Naalakkersuisoq  
Medlem af Naalakkersuisut for Boliger, Infrastruktur og Trafik

Naalakkersuisut Siulittaasuata tullia  
Viceformand af Naalakkersuisut

Inatsisartuni ilaasortat, Siumumit Inatsisartuni ilaasortat  
-/Her

## Inissiat tunineqartut

Asasakka Siumup Inatsisartuni ilaasortaaitai,

Inissiat tunineqartut pillugit apeqqutissinnut qjanaq, taakkulu matumani akissuteqarfigissavakka.

### 1. Illut 30-399-inik taaneqartartut ulluni makkunani attartortunut tunineqartartut qanoq akilerlugit tuniniarneqarpat?

**AKISSUT:** Ineqarnermut akiliutit qaffanneqarnissaat nalunaarutigineqarmalli, inissianik attartukkanik pisisinnaanermut periarfissat eqqumaffigineqarnerulermeta ilumoorpoq.

Attartortunut tunisinermi nalinginnaasumik Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaat nr. 12, 19. november 2007-imeersoq malinneqartarpoq.

Tunisinermi akiusoq peqqussut taanna naapertorlugu naliliineq, illunik tuniniaasartumit aalajangersarneqarsimasoq, naqissusiinermut 50.000 koruuninik akitsuuteqartinneqartoq, aammalu illuutip nassuiaasiorneqarneranut illunillu tuniniaasartup naliliineranut aningaasartuutinik ilaqartinneqartoq naapertorlugu aalajangerneqartarpoq.

Illunik tuniniaasartut illoqarfinni annerni niunernermi naligititaasunik missiliuilluni aalajangersaasarneq ajornartorsiutigineq ajorpaat, taakkunani tuniniaasartut niuerfik ilisimareertaramikku. Illoqarfiit taakku tassaapput; Ilulissat, Asiaaat, Sisimiut, Maniitsoq, Nuuk, Qaqortoq.

Illoqarfinni allani inissianik tamanut ammasumik niueruteqarneq annikitsuarsuummat, tassalu illunik tuniniaasartut ikiortigalugit tunisisarnerit qaqutiguinnaq pisarmata, illunik tuniniaasartut akigititassamik naliliisinnaaneq ajorput. Taamaattumik Naalakkersuisoqarfik akit, ilaatigut BSU-mit taarsigassarsilluni illulianik aammalu Namminersorlutik Oqartussat inissiaataannik

26. november 2009  
Sags nr.  
2009-022194  
Dok.nr. 260748

Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: aan@gh.gl

tuniniaasarnermi nalinginnaasumi akigitinneqartartut Naalakkersuisoqarfimmit ilisimaneqartut tunngavigalugit naliliisinnaasarpoq.

Illoqarfiit ilaanni, soorlu Qeqertarsuarmi Qasigiannguanilu arlalinnik inoqanngitsunik illoqarpoq, taamaattumillu illoqarfinni taakkunani inissiat pitsaagaluarlutik niuernermut akitigitaasut qaffasippallaangillat. Tamanna pissutigalugu illut 200.000 koruunit missaannik, ilaallu 100.000 koruunit inorlugit akeqartinneqarlutik tunineqartarput. Inissiat taamaattut aningaasanngorlugit akiliisitsinikkut tunineqartarput, tassalu pisinermi akiusoq tamakkerlugu erngerluni akilerneqartarpoq, illut taakku attartortumiit piginnittumut aaqjissuussineq, pisinermut akiusup saniatigut 50.000 koruuninik akitsuuteqartitsiviusartooq tunngavigalugu tunineqarnissaat isumaqanngimmat.

Tassalu akinut tunngaviusunik aalajangiinermi kvadratmeterimut akiusoq aallaavigineqarneq ajorpoq aammalu ukioq illup sananeqarfia pingaartinneqannginnerusarpoq, illut niuernermi naliliussassatut missiliuineq tunngavigalugu niuerutigineqartarmata.

Kiisalu pigisanik aalaakkaasunik tunisinermi tamatigut 2008-mi missingersuusiortarnermut malittarisassani immikkoortoq 9.3-mi maleruagassat naapertorlugit ingerlanneqartarpoq, taakkulu malillugit Namminersorlutik Oqartussat atortunik pigisanik tunisinermi sapinngisamik annerpaamik iluanaaruteqarnissaq anguniartussaavaat. Tamanna tamanut ammasumik akitsorterussinikkut allatulluunniit tuniniaanikkut niuernermi akiusoq anguneqarsinnaatilugu, soorlu attuumassuteqanngitsunik naliliisitsinikkut pisinnaavoq.

Illunik inigineqartunik tunisinermi illunik inoqanngitsunik tunisinermut naleqqiullugu niuernikkut akigititaasooq appasinnerusussaavoq. Illunik attartortitanik tunisinermi attartornerup / attartortitsinermut isumaqatigiissutip malinnaatinneqarnissaanut pisisup pissaaffilerneqartarnera tamatumunnga pissutaavoq. Tassalu inissiap ukuni qulini attartortinneqarsimasooq, maannakkorpiaq naligititaasup 8%-ianik ernialerneqartoq m<sup>2</sup>-mut 1.446 koruuninut naatsorsorneqassaaq. Taamatut naatsorsuineri inissiap pitsaasuunissaa, aammalu piffissap ilaani aningaasaleeqqiffiunnginnissaa pisariaqartussaavoq. Tassalu inissiap pitsaassusaa annikippat, tunisinermi nalinga, taamaalillunilu aamma maannakkut nalinga appasinnerungaatsiassaaq.

Inissiap 105 kvadratmeterinik angissuseqartup pitsaasup maannakkut nalinga (niuernermi naliusup sunniuteqarfigisassarinnngisaa) taamaalilluni 151.830 koruuninut naatsorsorneqarsinnaasarpoq. Tassunga tunngatillugu erngerluni oqaatigineqassaaq, najukkami pissutsit akinut qummut taamatullu ammut sunniuteqarsinnaammata.

Inussiarnersumik inuulluaqqusillunga

Jens B. Frederiksen